

moldova - nytt

Medlemsavis for
Hjelp Moldova

Nr 1 2013 Årgang 13

Glimt frå Moldova i året som gjekk...

Foto: Kåre Ness



Tapper jente; ser med leseTV



Heile familien engasjert i lesing.



Nye briller, nytt håp.



- Kven er vakrast i landet her?
Og tenk at det er eg som ser...




Vindaugevink og takk for pengar
frå julegåveprosjektet.



Dyrtid for moldovarane, men
stabil kurs i forhold til NOK.




Halloween fest med smaksprøver
på lokal mat og drikke.



Vår gode venn, keramikaren på
kunstmarknaden.

Gratulerer!

15. februar 2013 disputerte Tatiana Ghidirimshi for den medisinske doktorgraden med tema synshemming. Hans Bjørn Bakkeieig hevdar at Tatiana er mellom dei fremste i heile Europa på sitt fagfelt.



Professor dr. med. Valeriu Cusnir har vore veiledar og støttespelar for Tatiana. Mange undra seg storleg over valg av tema, for i Moldova var det knapt nokon som tok ansvar på dette feltet.

Cusnir stadfester at stoda for synshemma i heile tidlegare Sovjetunionen er som i Moldova: -Vi har ein lang veg å gå, seier han og understrekar kor viktig Tatiana sitt doktorarbeid er.

Han poengterer betydningen av norsk hjelpe: -Når eg møter kollegaer i utlandet og fortel kva vi har fått frå våre norske vener, ser dei misunneleg på meg og seier: -Slike vener vil vi også ha!

Kåre Ness

Bli fast gjever

Vi treng fleire som er villige til fast trekk på ein sum, t.d. kr 100, i månaden. Midlane går til hjelpe for synshemma.

Kontakt kasserar Astrid på telefon 991 63 456.

www.hjelp-moldova.no

Konto nr: 3626 07 23590

300.000 frå Grieg Foundation

Dei siste åra er det takk vere midlar frå Grieg Foundation at Hjelp Moldova har kunna driva og utvikla arbeidet med og for synshemma i Moldova. Nye 300.000 kroner gjorde at arbeidet kunne halda fram også i 2012. På vegner av mange tusen synshemma seier Hjelp Moldova mange tusen takk for dei livsviktige midlane.

200.000 frå Os-ungdommar

Elevar og lærarar ved Os vidaregåande skule og Os Gymnas har vist einskående innsatsvilje i sitt engasjement for Hjelp Moldova. I året som gjekk har elevane utført solidaritetsarbeid for nær 200.000 kroner.

Vi er imponerte, og takkar hjartegleg!

Innkalling til Årsmøte 2013

Tid: 7.mars 2013 kl. 18.00

Stad: Avisa Strilen sine lokale i Knarvik

Sakliste:

- 1: Årsmelding 2012
- 2: Rekneskap 2012
- 3: Handlingsplan 2013
- 4: Val
- 5: Medlemskontingent

Etter årsmøtet vert det lett servering, Elevar fra Os vgs fortel om turen til Moldova og solidaritetsarbeidet ved skulen.

Vi minner om § 10 i vedtekten: "Stemmeberettige er kun fremmøtte medlemmer med gyldig betalt medlemkontingent for inneværende år".

Vanleg kontingent er kr 150, og familiekontingent er kr 200. Hugs namn på giroen, også når du nyttar nettbank.

Årsmelding 2012

Medlemmer

Talet på medlemmer er det same som tidlegare, omlag 130 i alt. Medlemmene er viktige i organisasjonen og støttar arbeidet på ymse vis.

Styret

Det har vore halde sju styremøte i perioden. Samarbeidet i styret er svært bra, og mykje godt arbeid er gjennomført.

Økonomi

Vi har ikkje mottatt offentleg støtte dette året. Støttar frå **Grieg Foundation** på kr 300.000 har vore avgjerande, og var svært viktig for å kunna gjennomföra mykje av arbeidet som er gjort. I tillegg har ordninga med faste gjieverar gått til synssenteret, omlag kr. 7.000 pr. månad. **Byrknes Auto** har vore ein god

støttespeler. Fleire av dei tilsette har hatt fast trekk frå løna. Dette har gitt omlag kr 5.000 pr. månad til Hjelp Moldova.

Os vidaregåande skule (vgs) dedikerte også i år solidaritetaksjon ved skulen til inntekt for Hjelp Moldova. Resultatet for 2012 vart på over kr 100.000! **Os Gymnas** gav også sin aksjon for Moldova. Det resulterte i vel kr 80.000! I desember vart det halde auksjon til inntekt for Hjelp Moldova på **Kvitbjørn-plattforma**. Her kom det inn kr 83.000!

Det er sendt søknadar om støtte til flere ulike samarbeidspartnerar.

Turar/trailarar

Vi har gjennomført fem turar til Moldova i denne perioden. På ein av

desse har vi hatt med trailar. Transporten vart gjennomført i samarbeid med **Nils Fr. Nilsen og Systemtrafikk**. Vi har levert mykje flott utstyr til Moldova: Medisinsk-teknisk utstyr, optisk utstyr, synshjelpe middel, møblement, sjukehusklede og mykje anna. Varene er fordele på ulike sjukehus, aldersheimar, barnehager og synssenteret. På turen i september hadde vi med elevar og lærarar frå Os vgs og Os Gymnas. I tillegg var stortingsrepresentant Tove Brandvik med på denne turen.

Aktivitetar 2012

Synsprosjektet

har hatt stor aktivitet også dette året. Hovudfokus har vore god drift og god pasientoppfølging. Dr. Tatiana Ghidirimschi leiar Synssenteret. Vi har tilsette i 1 1/2 legestilling, 1 sjukepleiar, og ein rekneskapsvarleg i delstilling.

Nær 800 synshemma er undersøkte. Det er laga 145 par spesialtilpassa briller, og elles er mykje anna optiske hjelpemiddel tilpassa.

Bilen vi kjøpte vert nytta til ambulant teneste, og lettar arbeidet med synshemma over heile landet. Vi jobbar aktivt med å få større lokale. Det er stor trøng for meir plass. Vi disponerer for tida to små rom.

Augespesialist Jan Askvik var med på turen i mars. Han står for opplæring og oppfølging ved sjukehusa som tidlegare har motteke utstyr for operasjon av grå stær.

Det har også vore fleire møte på ministernivå med helsedepartementet og sosialdepartementet. Kontakten med myndighetene er viktig for å få dei til å ta del i drifta av senteret.

Det Medisinske Universitetet i Chisinau ønsker å nytta kompetansen ved senteret, og vi er i samtalar om korleis Senteret kan gå inn i undervising og etterutdanning av augleigar.

Hans Bjørn fekk i 2012 tildelt tittelen, "International Optometrist of the year" for arbeidet i Moldova. Han fekk også tildelt "Paul Harris Fellow" prisen frå Os Rotaryklubb.

Barneheim nr 74

Vi har god kontakt med nr. 74. Grunna manglande økonomiske midlar er det ikkje utført arbeid på tilbygget som vart påbegynt i 2011. Kostnaden for fullføring er ca kr 300.000.

"Mor og barn-sjukehuset"

Harry Ertresvåg er primus motor for rehabiliteringsarbeidet her. Sanitaerforholda vert stadig betre. Sjukehuset er svært takksam for oppgraderinga.

Husprosjektet

Vi har jammleg oppfølging av familien som fekk hus av oss hausten 2009.

Julegåvebrev

Resultatet i år vart ca kr 25.000. Midlane vert delt mellom fem familiar og synssenteret. Takk til **Irmelin** for god støtte til gjennomføringa.

Samarbeidspartnarar

Hjarteleg takk til våre gode samarbeidspartnarar og støttespelarar:

Grieg Fundation, Os vgs, Os Gymnas, tilsette i Byrknes Auto, Statoiltilsette, Hjelpemiddelsentralen, auglegar; optikarar; Sverre W. Monsen og mange einskildpersonar.

Systemtrafikk på Osterøy sto for transporten til Moldova i år. Hjelp Moldova har også fått tilgang på lagerlokale hos Systemtrafikk.

I Moldova tek **Societate Filantropica Help** og Synssenteret hand om våre interesser. **Galina Gradinari, Tatiana Ghidirimschi** og dei tilsette gjer ein fantastisk innsats. Vi takkar alle medlemmer og gode støttespelarar for hjelp og støtte. Styret

Tal frå rekneskapen

Inntekter:

Gåver: kr. 427.510
Prosjekt synshjelpe: 286.121
Julegåveaksjonen: kr. 29.820
Medlemspengar: kr. 11.050

Utgifter:

Synssenteret: kr. 677.083
Turar: kr. 97.789
Andre prosjekt: 5.490
Rekneskap: kr. 14.770
Resultat etter finans: -53.756

Bankkontonummer:
3626.07.23590

Handlingsplan 2013

Synsprosjektet vert hovudaktivitet for Hjelp Moldova også i 2013.

Vi held fram arbeidet med dei andre prosjekt vi har engasjert oss i.

Synsprosjektet

Senteret vart etablert for fire år sidan. Målet er å kunna hjelpe alle synshemma i Moldova. Senteret formidlar kompetanse, gjer utgreiingar, og handamar synshemma. Etterspurnaden etter tenestene er stor.

Det er heile tida trøng for å supplera med synshjelpe middel. Dette er ei stor utfordring.

Vi vidarefører arbeidet med kompetanseheving av augleigar i Moldova, og tek sikte på å vera ein del av utdanninga av legar ved det Medisinske Universitet i Chisinau. Vi har søkt Utanriksdepartementet om økonomisk støtte til dette prosjektet.

Det er avgjerande viktig at vi har gode samarbeidspartnarar som kan hjelpe oss økonomisk, med supplering av ulike hjelpe midlar og tilføra utstyr.

Augekirurg Jan Askvik nyttar også i år ei veke til oppfølging av sine moldovske kollegaer. Det er viktig at vi følger opp utstyr og kompetanse som er gitt til sjukehus og legar.

"Prosjekt arbeid"

I samarbeid med Ingvald Bastesen søker vi Arbeidsdepartementet om støtte til eit nytt prosjektet. Bastesen starta i si tid Meland Arbeidssenter, og har seinare introdusert og etablert denne type bedrifter på nasjonal ba-

sis og leia tilsvarende etableringar i ei rekke land i fleire verdsdelar. I første omgang jobbar vi for å få i stand eit seminar med norske og moldovske styremakter for å finna ut om det er grunnlag for eit samarbeid landa i mellom med tanke på å etablere tilpassa bedrifter for integrering av handicappa i arbeidslivet. Om svaret er ja, er målsetinga å etablera to - tre pionerverksemder i Moldova.

Barneheim nr. 74

Vi tek sikte på å følgja opp og bidra til ei god utvikling av barneheimen.

"Mor og Barn sjukehuset/Statoilsjukehuset"

Vi vil framleis ha kontakt med sjukehuset. Det går føre seg rehabilitering av sanitær-rom. Jarle og Harry er ansvarleg for dette.

Økonomi

Styret må prioritera arbeid med å skaffa pengar. Det er sendt søknader til næringsliv og organisasjoner i Hordaland, til Utanriksdepartementet og til Arbeidsdepartementet.

Vi må ta vare på gode støttespillarar og arbeida med å få nye samarbeidspartnarar. Dei faste gjevarane er svært viktig for drifta vår.

Inntektene frå Fadderordninga går til Synssenteret. Inntektene er viktige for å sikra drifta av Senteret.

Styret

Styret si samansetjing:

Leiar:	Hans B. Bakketeig - på val
Nestleiar:	Åse Hundvin - på val
Skrivar:	Kåre Ness
Kasserar:	Astrid D Kristiansen - på val
Styremedl:	Kristine Krolik
Varamedl:	Jarle Ådlandsvik
	Nils Fredrik Nilsen - på val
Valkomite:	Bjørn Borgen, Jon O. Veve Skjoldvor Lie Haukaas

Takk til gjevarar

Hjelp Moldova har motteke gåver frå privatpersonar i samband med ulike arrangement eller feiringar der dei har bede om pengar øyremerka Moldova i staden for å motta presangar. Hjarteleg takk for gåvene!